

Annuae Litterae Societatis Iesu Anni. M.D. LXXXII Patribvs, Fratribvsqve
Societatis Iesu, gratia, & pax Christi Domini, &c.

[urn:nbn:de:hbz:466:1-66469](https://nbn-resolving.de/urn:nbn:de:hbz:466:1-66469)

3

AN NV AE LITTERAE
SOCIETATIS IESV
ANNI. M. D. LXXXII

PATRIBVS, FRATRIBVSQVE

Societatis Iesu, gratia, & pax

Christi Domini, &c.



ST officij ratio, & anni tempus fere elapsum postulat Patres, Fratresque Carissimi, ut Societatis consuetudine vobiscum ea communicentur, quæ à nostris toto orbe dispersis ad Dei Gloriam, proximorumq; utilitatem hoc anno gesta sunt. quæ quidem etsi ita multa contigerunt, ut Deo gratias agere debeamus ingentes, qui erga nostram Societatem tam certa sue Prudentie signa ostendit; ex ijs tamen ea feligam dumtaxat, quæ insigniora videbuntur. Neque enim institutum est annuis litteris quotidiana, & communia Societatis ministeria inculcare, sed ea tantum breuiter attingere, quæ in ordinarijs ministerijs exercendis vel noua, vel singularia acciderunt. itaque mirari nemo debet hisce litteris præteriri aliqua Collegia, quæ nihil præter communia habuere, neque enim omnes anni eandem r̄bique messem ferre possunt. Sed vt ad propositum veniam, Constat

A 2 nostra

nostra Societas Prouincij duabus, & viginti, ex quibus Lugdunensis in Gallia hoc primum anno instituta est. Ex his Prouincij duarum Brasiliensis, et Polonicae annuae litterae sunt desideratae, in reliquis vero numerantur de Societate 5583. ex quibus in Societatem adscripti sunt hoc anno 547. mortem obiere 112.

Collegia hoc anno in omnibus Prouincij plurima sunt a viris Principibus, ciuitatibusque efflagitata; ex quibus quae ad fundationem opportuna omnia deferebant, amplius viginti sunt a P. Generali reiecta, cui magis è re communi videtur instituta confirmare, quam noua instituere. Num tamen Talabrigense in Toletana Prouincia est admissum, ab Archiepiscopo Toletano Societatis amantisimo fundatum, de quo ut suo loco plura dicentur, ita haec initio generatim de Societate perfrinxisse sat erit. Iam ad singulas Provincias descendamus.



PRO-